

319.

Na osnovu člana 16. stav 4. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05 i 4/06) i člana 19. stav 2. Zakona o dopunskim pravima branilaca i članova njihovih porodica ("Službene novine Zeničko-dobojskog kantona", broj 6/06 i 9/07), Vlada Zeničko-dobojskog kantona, na 33. sjednici, održanoj 02.11.2007. godine, d o n o s i

**UREDBU
O POMOĆI BRANIOCIMA I ČLANOVIMA
NJIHOVIH PORODICA KOJI SE NALAZE
U TEŠKOJ SOCIJALNO-EKONOMSKOJ
SITUACIJI**

1. POGLAVLJE I. OPĆE ODREDBE

**Član 1.
(Predmet Uredbe)**

Ovom Uredbom utvrđuju se uslovi, način i postupak ostvarivanja prava na novčanu pomoć branilaca i članova njihovih porodica koji se nalaze u teškoj socijalno-ekonomskoj situaciji a koji imaju prebivalište na području Zeničko-dobojskog kantona (u daljem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

**Član 2.
(Korisnici prava)**

Korisnici prava po ovoj Uredbi su ratni vojni invalidi, demobilizirani branioци, članovi porodice šehida, poginulih, umrlih i nestalih branilaca i umrlih ratnih vojnih invalida i članovi uže porodice poginulih, umrlih ili nestalih dobitnika ratnog priznanja ili odlikovanja.

**Član 3.
(Definicije)**

Pojmovi i definicije iz ove Uredbe: ratni vojni invalid, demobilizirani branilac, član porodice šehida, poginulog, umrlog, nestalog branioca i umrlog ratnog vojnog invalida, dobitnik ratnog priznanja ili odlikovanja i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05 i 70/07), Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 70/05

i 61/06), Zakona o pravima demobiliziranih branilaca i članova njihovih porodica ("Službene novine Federacije Bosne i Hercegovine" broj 61/06) i Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 6/06 i 9/07)

**Član 4.
(Posebni korisnici)**

1. Pod uslovom da je na evidenciji Službe za zapošljavanje, prava po ovoj Uredbi može koristiti i:
 - a) dijete šehida, poginulog, umrlog, nestalog branioca i umrlog ratnog vojnog invalida koje je izgubilo pravo na porodičnu invalidninu zbog punoljetnosti i prestanka redovnog školovanja, a koje nije napunilo 25 godina života;
 - b) dijete poginulog, umrlog ili nestalog dobitnika ratnog priznanja ili odlikovanja, koje je izgubilo pravo na mjesečni novčani dodatak zbog punoljetnosti i prestanka redovnog školovanja, a koje nije napunilo 25 godina života.
 - c) dijete umrlog demobiliziranog branioca – učesnika rata, koje nije napunilo 25 godina života;
 - d) dijete umrlog ratnog vojnog invalida koje nije napunilo 25 godina života;
 - e) udovica šehida, poginulog, umrlog, nestalog branioca i udovica umrlog ratnog vojnog invalida koja nije korisnik prava na porodičnu invalidninu, pod uslovom da nije stupila u brak ili vanbračnu zajednicu.
2. Djetetom ratnog vojnog invalida / demobiliziranog branioca, u smislu ove Uredbe, smatra se dijete rođeno u braku / van braka ili usvojeno dijete koje je isti izdržavao najmanje posljednju godinu dana.
3. Pravo iz stava (1) ovog člana ne može ostvariti lice kojem je radni odnos prestao njegovom krivicom ili je po prestanku radnog odnosa ostvarilo pravo na otpremninu.

**Član 5.
(Dokazivanje statusa)**

U postupku ostvarivanja prava po ovoj Uredbi, branioци i članovi njihovih porodica svoj status dokazuju rješenjem nadležnog organa o priznavanju svojstva ratnog vojnog invalida odnosno člana porodice šehida, poginulog, umrlog, nestalog branioca ili umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja, te uvjerenjem nadležnog organa o periodu učešća u Oružanim snagama, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

POGLAVLJE II. POSTUPAK

Član 6.

(Posebni uslovi za ostvarenje pomoći)

1. Novčanu pomoć zbog teške socijalno-ekonomske situacije, branioci i članovi njihovih porodica, mogu ostvariti u slučajevima elementarne nepogode i drugih vanrednih okolnosti, pod uslovom da:
 - a) imaju prebivalište ili boravište na području Kantona u trajanju od najmanje 24 mjeseca (osim povratnika u Republiku Srpsku);
 - b) ostvaruju prava iz oblasti branilačko-invalidske zaštite u općinama Kantona;
 - c) nisu u radnom odnosu, izuzev lica koja su na čekanju posla duže od šest mjeseci u zadnjih godinu dana;
 - d) nisu samostalni djelatnici;
 - e) sredstva za naznačene potrebe nisu ostvarili po nekom drugom pravnom osnovu;
 - f) da ukupna primanja porodičnog domaćinstva (uključivo primanja po osnovu branilačko-invalidske zaštite) ne prelaze iznos od 50% od prosječne neto plaće isplaćene u Federaciji Bosne i Hercegovine u prethodnoj kalendarskoj godini, prema podacima Zavoda za statistiku Federacije Bosne i Hercegovine.
2. Demobilizirani branilac koji ispunjava uvjete iz stava (1) ovog člana, pravo na novčanu pomoć može ostvariti pod uvjetom da je kao učesnik rata u sastavu Oružanih snaga u periodu od 20.06.1992. godine do 23.12.1995. godine proveo najmanje 24 mjeseca odnosno 12 mjeseci, ukoliko je OS pristupilo kao maloljetno lice ili neposredno po punoljetstvu.
3. Pravo na pomoć po ovoj Uredbi u svojstvu člana porodice umrlog demobiliziranog branioca, može ostvariti udovica i dijete lica koje je u sastavu Oružanih snaga provelo najmanje jednu godinu neprekidno u periodu od 20.06.1992. godine do 23.12.1995. godine i koji je demobiliziran rješenjem nadležnog vojnog organa, o čemu uvjerenje izdaje nadležni organ.

Član 7.

(Zahtjev i dokumentacija)

1. Zahtjev za pomoć po ovoj Uredbi podnosi se općinskoj službi nadležnoj za poslove branilačko-invalidske zaštite prema prebivalištu odnosno boravištu podnosioca zahtjeva (u daljem tekstu: općinska služba).
2. Zahtjev se podnosi na posebnom obrascu, a uz isti zainteresovano lice prilaže slijedeću dokumentaciju:
 - a) Rješenje nadležnog organa o priznavanju statusa

- branioca i člana porodice branioca;
- b) fotokopiju lične karte;
- c) dokaz o prihodima članova domaćinstva (uvjerenje Službe za zapošljavanje o nezaposlenosti podnosioca zahtjeva i članova njegovog domaćinstva, uvjerenje preduzeća o periodu čekanja na posao i ostalo);
- d) ovjerena izjava o zajedničkom domaćinstvu (Kućna lista);
- e) druge dokaze iz kojih se vidi opravdanost zahtjeva.

3. Sredstva po ovoj Uredbi ne mogu ostvariti osobe za koje se utvrdi da su u zahtjevu i priloženoj dokumentaciji prikriili ili dali netačne podatke ili dokumente.

Član 8.

(Postupak po zahtjevu za novčanu pomoć)

1. U postupku po zahtjevu općinska služba formira komisiju u čiji rad su obavezno uključeni i predstavnici branilačkih udruženja (u daljem tekstu: Komisija).
2. Zadatak Komisije je da:
 - a) utvrdi kompletnost podnesene dokumentacije i zahtjeva otklanjanje uočenih nedostataka i eventualnu dopunu dokumentacije;
 - b) u slučaju potrebe izvrši neposredan uvidaj u stvarima iz zahtjeva;
 - c) sačini izvještaj o socijalno-ekonomskoj situaciji podnosioca zahtjeva i njegove porodice;
 - d) predloži odbijanje zahtjeva ili odobravanje novčane pomoći.
3. Na osnovu prijedloga Komisije općinska služba:
 - a) donosi rješenje o priznavanju prava na novčanu naknadu u iznosu do 100,00 KM ili rješenje o odbijanju zahtjeva;
 - b) obrazložen prijedlog sa kompletnom dokumentacijom podnosioca zahtjeva i prijedlogom o visini novčane pomoći u iznosu iznad 100,00 KM dostavlja Ministarstvu za boračka pitanja Kantona (u daljem tekstu: Ministarstvo).

Član 9.

(Komisija Ministarstva)

1. Dostavljene prijedloge za odobravanje pomoći razmatra tročlana komisija, koju posebnim rješenjem imenuje ministar Ministarstva (u daljem tekstu: Komisija Ministarstva).
2. Zadatak Komisije je da razmotri dostavljene prijedloge općinskih službi, izvrši uvid u priloženu dokumentaciju, konstatuje ispravnost postupka, te dostavi Ministru obrazložen stav o odbijanju ili opravdanosti zahtjeva sa prijedlogom o dodjeli novčane pomoći.

3. U svom radu po podnesenim zahtjevima, Komisija ima pravo vršiti provjeru podnesene dokumentacije, tražiti dopunu iste, te u posebnim slučajevima izvršiti neposredan uvidaj u stvarima iz zahtjeva.

Član 10.
(Odobranje sredstava)

1. Na osnovu prijedloga Komisije, o dodjeli sredstava po podnesenim zahtjevima u pojedinačnim iznosima koji ne prelaze iznos od 2500,00 KM odlučuje Ministar, koji istovremeno utvrđuje dinamiku isplate.
2. Na obrazloženi prijedlog Ministra, zaključak o odobravanju dodjele sredstava u iznosu većem od 2500,00 KM donosi Vlada Kantona.

Član 11.
(Izdavanje rješenja)

1. Na osnovu dostavljene obavijesti Ministarstva, općinska služba donosi rješenje o odobravanju pomoći, odbacivanju ili odbijanju zahtjeva.
2. O žalbi na rješenja općinske službe iz stava (1) ovog člana, rješava Ministarstvo.

POGLAVLJE III. ZAVRŠNE ODREDBE

Član 12.
(Sredstva za ostvarivanje prava)

Sredstva za ostvarivanje prava po ovoj Uredbi, osiguravaju se u Budžetu Kantona.

Član 13.
(Dostava i pravdanje sredstava)

1. Na osnovu odluke Ministra i doznačenih sredstava za realizaciju istih, općinska služba obavještava lica kojima su odobrena sredstva i istim vrši isplatu putem blagajne ili tekućih računa.
2. Općinska služba je dužna u roku od 15 dana po realizaciji pomoći dostaviti Ministarstvu pravdanje utrošenih sredstava.

Član 14.
(Evidencija i obrasci)

1. Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo.
2. Obrazac za podnošenje zahtjeva iz člana 7. Uredbe

i obrasce za elektronsku evidenciju iz stava (1) ovog člana, propisuje Ministar u roku od osam dana od dana stupanja na snagu ove Uredbe.

Član 15.
(Stupanje na snagu Uredbe)

Uredba stupa na snagu narednog dana od dana objavljivanja u "Službenim novinama Zeničko-dobojskog kantona".

Broj:02-35-26092/07

PREMIJER

Datum, 02.11.2007. godine

Zenica

Miralem Galijašević, s.r

320.

Na osnovu člana 16. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05 i 4/06) i člana 27. Zakona o dopunskim pravima branilaca i članova njihovih porodica ("Službene novine Zeničko-dobojskog kantona", broj 6/06 i 9/07), Vlada Zeničko-dobojskog kantona, na 33. sjednici, održanoj 02.11.2007. godine, d o n o s i

UREDBU
O RJEŠAVANJU STAMBENOG PITANJA
BRANILACA I ČLANOVA NJIHOVIH
PORODICA

POGLAVLJE I. OPĆE ODREDBE

Član 1.
(Predmet Uredbe)

Ovom Uredbom utvrđuju se uvjeti, način i postupak ostvarivanja prava na rješavanje stambenog pitanja branilaca i članova njihovih porodica koji imaju prebivalište na području Zeničko-dobojskog kantona (u daljem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

Član 2.
(Način rješavanja stambenog pitanja)

Rješavanje stambenog pitanja branilaca i članova njihovih porodica vrši se putem:

- a) prijenosa prava vlasništva na stanovima dodijeljenim na korištenje od strane Vlade Kantona;
- b) odobravanjem sredstava općinama u svrhu kupovine i izgradnje stambenih jedinica;
- c) dodjelom jednokratnih bespovratnih novčanih